



# **Universitätsbibliothek Paderborn**

**Exhortationes|| Ad|| Religiosos**

**Dirckinck, Johann**

**Coloniæ Agrippinæ, 1704**

4. De confessione annua & semestri. Thema. Negotiamini dum venio.  
Lucæ 19.

[urn:nbn:de:hbz:466:1-51834](#)

Atque hæc Charissimi, sunt comoda & merita, quæ Sanctus Patriarcha noster allegat, ex quibus dilucide perspicimus, quanta gratia sit, peccata sua, præviâ recollectione ostendit, meditatione, examinatio, discussione, exhomologesi totius vita, expiare: O quantum beneficium! quod si multi faculares, multi heretici, multi ethnici obtinerent, ad magnam fortè vitæ sanctimoniam pertingerent? quanta comoda & merita, dolor vehementior,

particularium confessionum redintegratio, vera sui cognitio, peccatorum detestatio, carnis mortificatio, Dei dilectio, Puritas animæ, Eucharistia preparatio, conscientia tranquillatio, delictorum fuga, conservatio in gratia, & ingentis hujus incrementa? pro quibus commodis & meritis an non summas nos oportet Deo referre grates, animi nunc gra- tum, fideliter ac ferventer ei- dem serviendo, re ipsâ demonstrare.

## EXHORTATIO IV. IN REGULAM V. SUMMARI

De Confessione semestri & annua.

THEMA.

*Negotiamini, dum venio. Lucæ c. 19. 13.*

Vel ex Regula.



A usas institutæ à  
S. Fundatore no-  
stro exhomologo-  
feos generalis, sub  
ingressum Societa-  
tis peragenda, ex-  
hortatione proximè precedente affi-  
guavimus: sed cur obsecro, quot an-

nis, aut semestribus, semestrem, an-  
nuānve repeti voluit? nonne una om-  
nium totius anteaftæ vita nostrarum  
expiatio abundè sufficeret? existi-  
mant nonnulli, causam esse, ut ziza-  
nia peccatorum repelluntia annue  
amputaremus, quo hortus animæ no-  
stra foret mundior; alii censem̄ t̄  
mortum

motum ratione, ut admissum fortassis in exhomologibus particularibus defectum, aut oscitantiam compensaremus: alii autem, causam esse, ut Superiores, ac Directores spiritus, sibi commissos, magis perspectos habent, & vel de profectis uberrate gauderent; vel pro sterilitate corrigenda, sarculum, stercorationem, & irrigationem copiofiorem adhiberent: Hortulanorum enim est, plantas suas cognoscere, earum incrementum, decrementumque considerare, & opem ferre: alii judicant, finem intentum esse, ut voluntas in vocatione & propolistis bonis amplius, firmiusque solidaretur, & opus Diaboli destrueretur: alii denique volunt, S. Patriarcham desiderasse, ut Filii sui more prudentium mercatorum, & Oeconomorum, annis singulis vita rationes inirent, & perficerent; ut cum Dominus venerit eas exacturus, perfectas liquidasq; valeant exhibere. Omnes rationes praedictas approbo, sed postrema placet in praesenti, eveniet enim nobis in hora mortis & judicii particularis quodammodo: quod Regi Balthasari; cui scriptum in pariete: *Mane, Thecel, Phares, Numeravit, appendit, divisit.* Ut igitur in illa hora rationes nostrae subsistant: Ostendam, quomodo pro exhomologeli semestri aut annua oporteat nos opera nostra numerare, appendere, dividere; mala à bonis discernere; ne in illa die à Deo numerentur, appendantur ac dividantur.

I. Verbum primum Balthasari Regi in pariete scriptum: fuit, *Mane,*

id est numeravit. Mercatores & Instidores post navigationem longinquam, semestri aut anni spatio peractam, re-colligunt se, perpendique empi venditique rationibus pecunias numerant, ut dispiciant, quidam aut lucri fecerint, aut damni subierint: quod si damnum se incurrisse deprehendant, ejus causas indagant, ut deinceps caveant, novisque spebus conceptis, futuram navigationem & negotiationem felicius instituant.

Charissimi, omnes nos mercatores sumus: omnibus à Patre Familias talenta concessa sunt; omnibus dictum est: *Negotiamini dum venio.* Luca c. 19. 13. Itaque negotiandum est nobis non mercibus terrenis & vilibus, quales mundi Instidores tractant; sed pretiosis, spiritualibus & celestibus: ne autem detrimentum patiamur, actandum foro cedere cogamur; more negotiatorum mundi quot annis aut semestribus computum inire, & rationes perficere necesse est: ne in nos cadat illud Christi Domini acroma: *Filiis hujus facili prudentiores in generatione sua sunt, filii lucis.* Luca c. 16. 8. Atque ut impleamus S. Patris nostri præscriptum, qui voluit, ut nondum in gradu confituti, quot semestribus gradum verò ultimum adepti, quot annis generali exhomologesi, ab ultimâ inchoando, peccata admissa expient.

Quod et debito modo præsteratur ab omnibus, pro semestri triduana, pro annua exhomologesi, octiduana affermis instituitur: atque in ea primo loco implendum, *Mane, numeravit lucra*

& detrimenta expendenda, considerandumque, nam omnia fuerint in pondere, numero & mensura persæta. Numerant ergo Novitii 1. unius anni spatio, peractas meditationes matutinas 365. totidemque vespertinas, universum 720. simulque examinant præparationes, recollectiones, voluntarias distractio[n]es, & negligenterias in prædictis commissas. 2. Numerant examina conscientiæ meridiana 365, vespertina totidem; id est, simul 720. & despiciunt, quæm segniter conscientiam discusserint, quæm perfunctoriè dolorem excitarint, quæm inefficacia irritaque proposita formarint. 3. Numerant examina, ut vocamus, particularia 730. & inquirunt, num verè virtus suppresserint, defectus corixerint, virtutes acquisiverint. 4. Numerant exhomologes, Synaxes, Sacra exhortationes, lectiones asceticas, ac reliqua spiritu exerciticia: & indagant, quæ ex eis lucra, quædama reulerint, & quoniam Deus etiam justitiæ judicabit, ipsi hoc judicium præveniunt. 5. Numerant, quot etiamnum passiones, inclinationes pravae, confuerudines malæ, & habitus vitiösi in eorum corde vigeant, quæmque noxios ac virulentos effectus produixerint. 6. Numerant denique peccata, negligentias, imperfectiones, cogitatione, verbo, opere, & omissione perpetrata; quæ ex dictis radicibus, veluti zizania nociva propullarunt. Numeratione absolutâ, omnia considerant, multitudinem cogoscunt, de noxis dolorem concipiunt, emendationis proposita firma ita-

tuunt: atque ita demum pro tribunali sacro ea expiant, & eorundem veniam consequuntur; non sine animi tranquillitate & gudio, de rationibus anni illius aut semestris liquidis & perfectis.

O quantum hoc est Dei beneficium! quæm eximia gratia à Deo per S. Ignatium nobis concessa! quæm si careremus, quæm confusas fortassis essemus in hora mortis & judicii particularia habituri rationes! certè enim venieret Judeus & vilificationis ac negotiorum cuiusvis nostrum rationem exiget; idemque quod Regi Chaldaeo, nobis offeret: *Numeravit regnum tuum & complevit illud.* Id est, numeravit sicutum, officium, regimen & functionem tuam: *numeravit annos, menses, dies, horas, minutæ; verbo, omne tempus tuum & jam complevit illud:* & si hoc ad annos plures, v.g. 42. ut mihi meique coetaneis accidit, extensem & prorogatum fuerit; vide, quæm ingentes tibi incumbant reddenda rationes: numeravit enim & tunc tibi ob occasum ponet, ac numerabit annū 365. meditationes, & consequenter de annis 42, usque 330. meditationes. Numerabit bina indies examina, quæ universum conficiunt tringita millia, sexcenta, sexaginta: & totidem examina particularia. Numerabit tot millena sacrificia, tot millenas confessiones & synaxes, tot millenas lectiones & exhortationes: si autem ad peccata & omissiones devenerit, quantum chaos, quæm incredibilem numerum calculaturum arbitrariis! si enim ut Job ait: gressus omnes dinumerat: peccata non dinumerabat? O charissimi, quis ad tam

tam exactam arithmeticam non timeat; si Balthasar Rex adignotam manu scribentis, ita trepidavit præ timore, ut genua ad se invicem colliderentur: quid vobis accidet ad compescum irati Judicis? quis pavor corda vestra concutiet? ne id vobis eveniat, exactas accuratasque quot semestribus conficie rationes: aspice diligenter facularium in annuis suis rationibus concinnandis, & cavere ne in vos quadret illa Christi Domini sententia: *Fili bujus faculi prudentiores in generatione sua sunt, filii lucis.* Luc. 16. 8. Sed omnia in numero, pondere & mensura disponite: & liquidas in fine vita rationes exhibebitis.

II. Verbum alterum Regi Balthasar in pariete scriptum fuit, *Thecel, id est, appendit in statera* Mercatores monetam auream argenteamque, quam lucrantur; aut pro mercibus obtinent, explorant, nam justi sit ponderis ac valoris, atque in statera seu bilance monetaria librant: nonnquam etiam lapidem lydium adhibent, ut avarum ab orichalco discernant; pecuniam adulterinam falsamque à probata separant. Pari modo dum nos in ascensi annui aut semestri ad generalem exhomologes in comparamus omnia nostra opera, etiam bona appendenda à nobis sunt in statera examinis, ut, num pondus suum habeant, dijudicemus: quis enim ex nobis vita adeo accurate est & sancta: ut cum Jobo sustinere atque asserere audeat: *Ipsè Deus considerat vias meas, & cunctos gressus meos diumerat: si ambulavi in vanitate, & fistinnavi in dolo pes mens, appendat me*

*in statera justa, & scias Deus simplicitatem meam.* Jobi c. 31. 4. Hoc est, Deus sententia sua declarat innocentiam, puritatem & fidelitatem meam in servitio ejus; quā actiones meas omnes, juxta regulā Divina legis direxi. At quanto quisq; nostrū est, qui ad hanc Dei staterā provocare, & se offerre audeat?

Quisquis igitur id non aedes: appende in statera opera tua & virtutes, scilicet humilitatis, devotionis, patientiae, obedientie, penitentiae & charitatis: & examina, num justo pondere gaudeant: quodque inde confequitur, num iustum, debitumque valorem ac pretium apud Deum inveniant. Appende itaque in statera, & dispice opera; num intentione sincera, requisita attentione, debita circumspetione, intentione, extensione, fervore, charitate sint prædicta, convenientib[us]que circumstantiis personæ, loci, temporis vestita. At undenam hoc deprehendes, aut colliges? More mercatorum, unilanci pondus à Rege aut Republica taxatum signatumque impone, alteri verò, auream argenteamve monetam: id est unilanci in iuste præcepta Dei, & Ecclesiæ, atque Societatis Regulas; alteri opera tua, ac dispice num illis sint conformia, atque ita pondus facile invenies. --- Deinde lydium applica lapidem, ut, num aurea sint, an cuprea, argentea, an plumbea, pateat: sapienter vitium virtutis veste se palliat; saepe putatur esse charitas & est carnalitas, ait Thomas Kempensis: & ut S. Alberto M. in paradiso, meminit: Dissolutio, spiritualis mentis laxitia creditur; loquacitas censetur affabili-

tas, pigritia, morum gravitas! tepr,  
discrecio; hypocrisis, sanctitas, perti-  
nacia, constantia; sed sicut falsis dena-  
tis nihil boni emitur, sic nec falsis vir-  
tutibus regnum celorum acquiritur.  
**E**x adverfo non raro à Tyronibus,  
aliisve passione excœcatis, virtus, vi-  
tii nomine insignitur: nam ab imper-  
fectis hisce, aut imperitis, quod ex ve-  
ra humilitate nascitur, ex vana gloria  
proficiuntur, quod ex pura, san-  
ctaque intentione oritur, ex hypocrisi  
promanare existimatur: & quod ex  
zelo justitiae, aut amore regulæ proce-  
dit, ex zelo vindictæ provenire mali  
interpretes arbitrantur. Omnia ita  
que appendenda sunt in statera: quod  
nisi fecoris

In hora mortis & judicij particu-  
laris, Justissimus rerum Arbitrus om-  
nia opera tua appendet in statera ve-  
ritatis, eaque ponderabit exactissime:  
& si levitatem deprehenderit; an non  
oggeret tibi, quod Balthasar Regi  
Babyloniam: *Thecel, id est, Appensus*  
*est in statera, & inventus es minus habens.*  
*Appensus es cum virtutibus, cum bo-*  
*nis operibus, omnibusque actionibus*  
*tuis vitiis & inventus es minus ha-*  
*bens: Non invenio opera tua plena;*  
*Apocal. 3. 1. Sed defectuosa, vacua,*  
*inanis pietate & virtute, minusque*  
*habentia, quam tu ipse arbitris.*

Ne id nobis in mortis hora accidat,  
voluit S. Parens noster ut prævenire-  
mus, singulisque semestribus vel anni-  
nis, omnia opera nostra in statera ex-  
aminis collocari, rationes & computa-  
exactè iniri, debita exhomologhi ac-  
curata aboleri, ut coram Judice su-  
premo, probè subsistamus.

III. Tertium, quod Balthasari cum  
terrore ob oculos positum fuit, est Phares, divisiſ. Mercatores pecuniam numeratā, ponderatā, & probatā, lucisque deprehenso; falsam & adulterinam, ac justō leviorem, à pecunia probata & justa dividant & separant; falsam abiciunt, bonam verò in thesauro suis reponunt, ut inde honesta vitam transfigant, ac necessaria sibi comparent. Pari ratione, Societatis religiosus, singulis semestribus aut annis, opera sua, tanquam monetam, dividit; bona à malis, à perfectis vitiis separat, illa tanquam libro vita jam inscripsa, Deo offert & commendat; hæc autem contritione & confessione eluit, expungit, & deinceps corrigit statuit.

Regi Babyloniam in pariete scrip-  
tum: *Phares: divisiſ est regnum tuum, datūmque est Persis & Medicis,* Charissime, aliquando dividetur quoque regnum tuum, & quidem quadruplex: unum est extra te, in terra, al-  
rum proptere, tertium intra te, quartum supra te. I. Dividetur regnum mundi; quidquid enim mundus habet  
bonorum, volupcatum & honorum, mors dividit, & à te separabit ac tol-  
lit. 2. Dilectum corpus tuum, quod proptere est, & cui anima, omnes eius  
facultates gubernanda, præsideret, mors  
dividet; atque hæc divisio, tanquam ei  
charioris, priore est amarior. 3. Re-  
gnum Dei, quod intra te est, id est vi-  
tures, & opera gratia & charitatis di-  
videt. Et si quis infelix, quod longè ab-  
sit ab omnibus nobis: in hac vita, si-  
dem & spem à charitate & gratia di-  
viserit, & in hac divisione, vitam clau-  
serit,

serit, va illi huicenim Deus omnia auferet, & iustio judicio, nec per fidem vivam, nec per spem, nec per gratiam habitabit in illo ultra in sempiternum. 4. Hac divisione facta sequitur postrema, ut qui in gracia, nondum omnino expurgatus deceedit, tantisper a celestiglori separetur, donec in igne purgante penitus emundetur; qui vero in peccato letali diem suum obit, dividatur aeternum a regno colorum: & audiatur tremendum illam sententiam Prophetæ: Separetur impius, ne videat gloriam Dei. Isaia c. 26. 16.

Ne rali modo dividamus, nos ex directione S. Patris nostri opera nostra in ascensi spiritali separemus, diligenter etiam in rationes nostras omnium annorum sive liquidæ & perfectæ, ut cum fiducia & gaudio hinc discedamus: exemplo R. P. nostri Alphonsi de Avila zelosissimi Ecclesiastæ; qui febri ardente corruptus, omnibusque supremis mysteriis munitus, de propinquo laborum suorum termino, & felicitatis semper duratura principio, ingens gaudium præsetulit, ad quam spe certa anhelabat. Die postero cum agrotum inviseret Archiepiscopus & una Medicus hic instanter ab Alfonso rogatus est, ut quantum sibi vita adhuc restare censeret, liberè ediceret: qui nonnihil quidem tergiversatus, postquam tamen mira tranquillitate compotitum Patris animum advertit, clare edixit, non superesse ultra quartas horas. Quo responso tanto exultavit gaudio, ut continuò se in lecto erigens, manum Medici arreptam osculo petierit, exclamans: Bona nova à Deo attulisti, tam faustum dicendo nuntium. Obiitque in adstantium lacrymas Granata Anno 1556. 17. Octobris, anno xxiij tricesimo. Tannerus pag. 61. Liquidas sanè Pater ille suas rationes habuit, unde tanta latitia & confidencia profluxit.

Quare, Dilectissimi, si in hora mortis & judicii particularis oculos Judicis lato vultu, & securâ mente subire cupimus, semestribus singulis aut annis, rationes nostras irreprehensibiles, liquidaque reddamus: horrendum illud, Mane, Thessel, Phares, numeravit, appendit, divisit, nos prudenter præveniamus: atque in exercitiis spiritualibus, annuis aut semestribus, dum ad exhomologesi generalem nos disponimus. 1. Numeremus mercatorum more damna & lucra: meditationes, examina, reliqua opera bona, adiaphora & mala, ut emendemus. 2. Appendamus omnia & singula in statuta, non dolosa, sed aqua & justa: atque examinemus, num pôdus suum habeant, num vere virtutes, an verò harum pallio vestita sint vicia. 3. Dividamus mala à bonis, perfecta ab imperfectis, virtutes à viciis: & bona Deo offeramus ac pro iis gratias referamus; mala verò deploremus, & penitentia Sacramento expiemus: ita à supremo Judge nō numerabimur, non appendemur, nec ab ipso dividemur; sed lato alacrique animo morte aspiriemus, & post illam mensurâ bonam, confertam, & coagitatam, mercedem condignam & operibus bonis correspondentem in cœlis reportabimus.

A a REGULA